

ZAMBAK

List učenika Osnovne škole „Mehmed-beg Kapetanović
Ljubušak“

Godina XXII Broj 40 Decembar/Prosinac 2018. godina



Alina Gradašćević IX-1

Redakcija:

Barić Đuzela, Buljubašić Ayman, Fočo Ayman, Hasanović Vedad, Osmanbegović Azra, Bajrović Nejra, Korman Lejla, Baručić Ena, Selimović Ena, Skopljak Nejla, Kasapović Nejla, Adilović Lamija, Bibić Elma, Tihčić Nedim, Dalipagić Sulejman, Rustemović Ema, Omerkić Nahla, Baždar Enida, Fejzić Ajla, Alilović Semija, Alilović Semiha, Huremović Lejla, Babajić Lukman, Huseinović Muhamed, Smailagić Naila, Bećarević Tarik, Rešidović Armela, Barić Lejla, Sultanović Zara, Fejzić Ammar, Babačić Ilma, Babačić Lejla, Biogradlić Zara.


Uređuju učenici s Behdijom Mustafić, nastavnicom Bosanskog, hrvatskog, srpskog jezika i književnosti i Sabinom Efendić, profesoricom razredne nastave.

Pratite nas i na našoj web stranici:

www.osmbklj.edu.ba te na Facebook stranici škole.

IZ SADRŽAJA:

- Posjete
- Školske priredbe
- U kinu i pozorištu
- Važni datumi
- Literarni radovi
- Likovni radovi
- Zanimljivosti
- Humor



PRIJEM PRVAČIĆA

Dana 1.9.2018. godine, u našoj školi organizovan je svečani prijem prvačića. Naši učenici i nastavnici su priredili svečani prijem za roditelje i goste. Ovoj svečanosti prisustvovao je i načelnik Općine Centar Nedžad Ajnadžić, koji je prvačićima dodijelio ruksake i školski pribor. Učiteljice koje ove godine vode prvačiće su Kadić Belma i Babić Ajla. Svi prisutni su uživali u programu i poželjeli sretan početak nove školske godine, te uspješno i bezbrižno školovanje novim đacima.



DAN UČITELJA

U okviru obilježavanja 5. oktobra- Dana učitelja, najbolji učitelji iz osnovnih škola sa područja Općine Centar, nagrađeni su od strane načelnika naše općine. Među nagrađenima, zaslužno se našla naša učiteljica Emina Zeković. Čestitamo!



U POZORIŠTU

U Pozorištu za djecu i mlade Jelićeva, učenici od I do V razreda uživali su u predstavi „Punim jedrima“ gostujućeg Pozorišta lutaka iz Mostara. U pratnji svojih učiteljica i učitelja, šetnjom do pozorišta i nazad, sumirali su utiske o predstavi, koju su na kraju ocijenili ocjenama od jedan do pet, poput pravih učitelja.



© Za više razrede, organizovana je posjeta Pozorištu mladih i predstava „Svirala“ koju su gledali učenici VII-2 sa razrednicom Marijom Mikić, dok su učenici devetih razreda s razrednicima u Narodnom pozorištu uživali u predstavi „Leptir“.



U KINU



U petak 16.11.2018. godine učenici od I do IV razreda posjetili su Cinema City. U pratnji svojih učitelja i učiteljica gledali su animirani crtani film "Stopalići". Zanimljiva avantura o Jetiju naišla je na oduševljenje. Učenici su prepoznali i poruku istraživača koji uvijek istražuju ono što ih zanima. Ta potraga za odgovorima vodi i glavnog junaka u potpuno nepoznati svijet.



IZLETI: VISOKO I STOLAC

Krajem septembra, učenici naše škole u okviru sekcija Očuvanje kulturne baštine i Mladi geografi, posjetili su Arheološki park i tunel Ravne u Visokom, i upoznali se sa znamenitostima ovih objekata.



i stari grad iznad Stoca.

Dana 20.10.2018. godine realizovan je izlet u Stolac. Učenici VIII i IX razreda su s nastavnicama Jasminom Kazijom i Lejlom Aličić obišli naš lijepi grad Stolac. Posjetili su poznatu nekropolu stećaka Radimlju i Kuću-muzej Maka Dizdara , "Makova hiža"



OBIJEŽAVANJA

DAN JABUKE I DAN HLJEBA

Obilježili smo dva važna datuma: Dan jabuke i Dan hljeba. Učenici su se oglasili prigodnim programom putem školskog razglasa. Učesnici su pravili poslastice od hljeba i svaki učenik je dobio jabuku.

Crvena jabuka

*Draga jabuko, crvena ili zelena,
Svi te hoće gricnuti jer si rumena.
Slatka si kao med,
Voli te cijeli svijet.
Tvoja duša je velika i puna sreće.*

*Ljudi vole napraviti kompot od tebe.
Jesen ti je rođak
Ti si dobra kao đak.
Dječije ručice su rumene
Taman po mjeri za tebe.*

Ena Baručić, IV-2

KNJIŽEVNO VEČE

Ove godine književno veče bilo je posvećeno liku i djelu Nasihe Kapidžić- Hadžić. Prigodnim programom sa pjesmama i igrokazom iz njenog bogatog opusa, obilježen je mjesec oktobar- Mjesec knjige.



U POSJETI: AL JAZEERA

Učenici III-1 razreda imali su priliku da posjete jednu televizijsku kuću, tačnije Al Jazeera. U obilasku su imali priliku da se upoznaju sa novinarskim i voditeljskim pozivom, ko zna, možda će neko od njih izabrati baš ovo zanimanje u budućnosti.



U POSJETI: MUZEJ ALIJA IZETBEGOVIĆ



Već tradicionalno, članovi sekcije Očuvanje kulturne baštine učestvuju u radionicama posvećenim liku i djelu Alije Izetbegovića u istoimenom muzeju. Predvođeni nastavnicom historije, Lejlom Aličić, uvijek uspješni, naši učenici redovno ostvaruju zapažene likovne radove. Tako je bilo i ovaj put.

TAKMIČENJA: UPOZORAVANJE NA MINE



Dana 2.11. 2018. godine održano je takmičenje Upozoravanje na mine u prostorijama Crvenog križa. Ekipu naše škole su predstavljale učenice sedmih razreda. Vođa ekipe je bila učenica Adna Babačić a ostale članice koje su učestvovala su Ema Rustemović i Ena Zagorac.

Naše učenice su osvojile drugo mjesto na Općinskom takmičenju. Čestitamo našim učenicama i nastavnicu Emini Smailbegović na

izuzetnim rezultatima.

VOLONTIRANJE JE COOL

I ove školske godine naši volonteri su predstavili svoje volonterske aktivnosti u pratnji pedagogice Berke Bibić i socijalne radnice Arijane Hasović, na Galeriji volonterizma koja se organizira povodom Međunarodnog dana volonterizma. U ovom projektu uzelo je učešće 40 osnovnih škola sa cijele teritorije Bosne i Hercegovine. Naš plakat se isticao kreativnošću, a za trud i zalaganje, nagrađeni smo printerom za školske potrebe.



LITERARNI KUTAK

Jesen

Jesen je godišnje doba,
Preljepih boja.
Lišće opada,
U rijeku upada.
A rijeka i dalje hladna teče,
Sve dok ne dođe proljeće.
Ptice lete na jug,
A u šumi vlada muk.
Plodove nam daje njiva,
To je ono što prija svima.
U školu dolaze novi đaci,
Bit će oni prvaci.

Ayman Buljubašić i Ayman Fočo, III-2

Jesen u gradu

Kada počne jesen , opada lišće ,
ima i mnogo kiše, koja pada sve
više
neumorna pada i nastavlja da
diše, diše...

Lijepi su dani kada lišće
raznobojskih boja opada,
djeca kišu ne vole kada pada.

Trava je mokra , ne može se
na njoj igrati, zato je bolje
kada kiša neće padati.

Zara Biogradlić, V-2

Jesen

Jesen brzinom dolazi,
a ljeto iz grada prolazi.

Vjeverice orahe kupe,
a vrane ih po podu lupe.

Šareno lišće se poigrava
i radoznanu djecu uveseljava.

Laste se iz gnijezda sele,
i odlaze u krajeve vrele.

Tarik Bećarević, V-2



Tarik Pezo, VII-1



Ira Baručić, I-2

Dan učitelja

Dan učitelja ja najbolji dan
 A i djeca ga vole,
 Od početka školske godine
 Dane do njega broje.
 Da čestitaju svojoj učiteljici
 njen dan,
 Jer to je slavlje učitelja,
 Svima znan i predivan.

**Ayman Buljubašić, Đuzela
 Barić, Azra Osmanbegović,
 III-2**

Malo zrno

Zrelo, malo, pšenično zrno
 Melju u brašno-bijelo i crno.
 Zatim ga stave u velike vreće,
 Gdje čeka da postane nešto veće.

I evo, gle, put pekare kreće,
 I tu s kvascem raste od sreće,
 I kao tijesto strpljivo čeka,
 Da ga oblikuje pekarska ruka.

I u trenu promijeni svoje lice,
 U hljebove, štrudle i kiflice.
 I krene na put do pećnice,
 Gdje postaje čudo zlatne korice.

Poslije se smjesti u pekarske police,
 I mirom duž cijele ulice,
 Da jutrom obraduje dječake i djevojčice,
 Malo zrno iz klasa pšenice.

Barišić Deni IV-2



Amina Korman, VII-2

Moja domovina


Moja lijepa Bosna,
Ti si bjelokosna.
I sva tvoja radost i tuga,
Je kao velika svijetla duga.
Jedna si jedina,
Moja domovina.
Jedna si jedina,
Bosna i Hercegovina.

Nejra Bajrović, IV-2

Dan državnosti

Sretan ti rođendan domovino moja,
Žele ti djeca tvoja.
Tvoje su ljepote najljepše na svijetu,
Svako godišnje doba dolazi ti u letu.
Tvoje šume su pune rijeka i životinja.
Brojne škole u tebi imaju
I mnogo djece o tebi pričaju.

Ayman Fočo i Ayman Buljubašić, III-2



Moja domovina BiH

Moja je domovina BiH
Puna ljepota, njoj se divimo,
Beskrajno je volimo
I drugima o njoj pričamo.

Moja domovina je bogata
Ima divnih planina, starih zidina,
Zelenih livada, lijepih dobrih građana
Modrih rijeka, riječnih dolina.

Ona je moja domovina
I ne dam je nikome,
Zato što je jedna jedina,
Voljena moja domovina.

Ammar Fejzić, V-2



Lejla Alić, II-2

Mojoj domovini

Danas je taj dan
Mojoj domovini rođendan.
Čestitamo joj svi,
Sretna nam bila ti.

Domovina moja,
Puna čari i ljepota.
Bosna, Una, Drina
Žubore svaki dan.
Šume, mora, polja i doline
Sve su to ukrasi moje domovine
Bosne i Hercegovine.

Emina Golić, VII-2


Moja domovina

Moja domovina Bosna i Hercegovina
Svojim ljepotama je popunjena.

Stiže Dan državnosti
Koji u Bosni svako slavi.

Veliki praznik za sve nas
Slavimo ga u domovine čast.

Naila Smailagić V-2



Andrea Kovačević, II-1

Prvi susret u školi

Bio je lijep i sunčan dan. Još sam imala 5 godina. Obukla sam lijepu haljinu i sa tatom krenula u školu. U školskom holu stajala je moja učiteljica.


„Došla si, baš lijepo,“ rekla je. „Hajde ti sjedi, pa da vam poklonimo ruksake“.

Rekla je da je njeno ime Sabina. Čim sam je vidjela, shvatila sam da ima toplo srce. Kada su nam dodijelili ruksake, primijetila sam da mi se smiješi i miluje toplim pogledom. U srcu sam osjetila neki neobičan treptaj i shvatila sam da je to ljubav.

Jedva sam čekala da stignem kući i sve to ispričam mami i nani.

Ja sada imam 8 godina i mnogo sam sretna kad dođem u školu i vidim svoju učiteljicu. Ona je samo moja učiteljica i ja je jako volim.

Zehra Miraščija, III-2



Duzela Barić i Zehra Miraščija, III-2



Nedžla Čosibegović, I-2

Polazak u prvi razred

Još jedno lijepo jutro ispunjeno ptičijim cvrkutom i svježim povjetarcem. Sasvim uobičajen odlazak u školu. Ispred mene se pojaviše majka i njena kćerka. Po svemu sudeći, djevojčica je prvačić.

Sjetih se tog trenutka...

Alarm je zazvonio. Odmah nakon toga udoše moji roditelji. Ustala sam uzbuđena zbog svog polaska u školu. Brzo sam se spremila i počela sam doručkovati. Mama je napravila moju omiljenu juhu s povrćem. Zatim su moje sestre zbunjeno došle i pridružile se doručku. Došlo je vrijeme za polazak u školu.

Izašli smo, a okolo se širio miris pokošene trave. Stigosmo ispred škole. Tu je bili mnoštvo djece. Pojavila se i naša učiteljica. Uvela nas je i napravila raspored sjedenja. Došlo je vrijeme i za priredbu. Bilo je dosta tačaka i bogat program. Dobili smo ruksake i pribor.

Vratili smo se kući. Ja sam radoznalo čekala novi dan.

Odjednom čujem zvuk auta. Vratih se u sadašnjost. Nastavih put do škole...

Babačić Adna, VII-2

Usamljeni list

U jesen, kao da suze
padaju niz lice male
seje, opada lišće i
nestaje cvijeće.
Žarko ljeto polako
blijedi,
i kiša lije niz naše
prozore.
A tamo, sa stabla pada
lišće
i ukrašava našu rosnu
travu.

Jedan list žuti, pomalo
krut tiho plače i
pada na put.
Pa boluje, i proteklo
ljeto žaluje.

Pita se: "Gdje mi je nestala voljena lasta?"
Jer njegovom srcu bez nje nema rasta.

Djeca pripremaju tople kaputiće i duboke
čizmice, za hladne dane i dječije igrice.
Nestrpljivo čekaju kišne dane
da otvore kišobrane.



Bakir Bašić, VII-1

I to vam je, dragi moji, jesen, sezona
koja ispraća ljeto sa najljepšim zagrljajem,
najtežnijim poljupcem i zadovoljnim
srcem. **Enida Baždar, VII-1**

Školski dani

Kroz školska vrata ulaze đaci,
A za njima trče mali prvaci.
U učionicama šarenih boja,
Sjedi učiteljica, miljenica moja.
Upisuje čas i rado čeka nas.

Mali prvaci abecedu uče,
Dok stariji đaci oko gradiva se muče.
Zbog ljubavi se muče a željeli
Bi da gradivo što bolje nauče.

Zvono zvoni, oni trče
Da se druže i nove igrice uče
Obavezama nije kraj, novo gradivo
Iz matematike ih čeka, znaj.

Nahla Omerkić VII-1




Lejs Kasumović, VI-1

Školsko prijateljstvo

Škola je puna prelijepih stvari,
U njoj se svašta uvijek radi
I radost djece u daljini se čuje
I sreća se uvijek odsvuda vidi
I ljubav se odmah osjeti , čak i u daljini.
Briga za druge tu se širi
I šta god da se desi uvijek se miri
I tako dok lagani vjetar piri,
I kad se kući krene, svako dijete iz auta viri
I svakom drugu se maše
Eto to je prijateljstvo naše.

Armela Rešidović V-2



Džejna Prljača, VI-1

Snježne radosti

Spojili se kiša i led
S nježnim poljupcem
Napravili snijeg.

Poigrava se na vjetru
Mekan i bijel, stvoren da
Napravi zabavu i smijeh.

Sa sankama radoznala djeca
Lebde po ledenom snijegu i
Sa radošću jure ka novom brijegu.

Nestrpljivo iščekujući godinu novu,
Svoj zasluženi raspust i
Avanturu novu.

Ema Rustemović, VII-1



Lamija Zuko, IV-1

Ajla Kasumagić, I-1

Snježna zima

Ti si planina snježna,
Vole te djeca nježna.
Na planini je hladan zrak
Samo kad je mrak.
Padaju pahuljice,
Vole te snjeguljice.
Samo nastavi padati,
A mi ćemo se sankati.
Na planini svi vole čaj popiti
I ponekad odmoriti.
Došli su nam praznici,
Donijeli nam poklone vilenjaci.
Djeca ukrašavaju jelku
I svaki dan pojedu po jabuku,
Volimo te, volimo snježna zimo
Kada padaš, mi se smijemo.

Nejra Bajrović i Ena Baručić IV-2



Zimska pjesma


Uskoro nam dolazi zima,
To je doba koje prija svima.
U zimu ćemo se igrati,
I Novu godinu proslaviti.
Zimi se pravi Bijelić Snješko,
Koji sunce izbjegava vješto.

Ayman Buljubašić i Ayman Fočo, III-2

Hladna zima

Ova hladna zima oštre zube ima,
To je takva klima, ne dopada se svima.
Bijele pahulje s neba padaju,
Djeca se sankaju i pahuljama raduju.
Voda se ledi, hladno je i medi.
On sada spava zimski san
I ne mari da li je noć ili dan.

Nejra Bajrović, Ena Baručić, Lejla Korman IV-2



Moj san se ostvario

Trenutno sam na putu do strane planete koja je prekrivena džunglom. Tražim specifičnu biljku koja se tu nalazi zbog njenih sposobnosti da izliječi svaku bolest. Vozim oko 10 mjeseci, vrlo blizu sam planete. Drugi naučnici su me upozorili na opasna bića koja se tu nalaze. Polako se prepuštam na mjesto slijetanja, ali sam primijetio problem. Moje rakete su se pokvarile, idu u drugom pravcu. Nisam uspio popraviti rakete na vrijeme i brod mi se zaglavio na vrhu drveta dvadeset kilometara od zone za slijetanje. Odmah sam krenuo prema zoni prije nego što se smračilo, jer sam znao da u vrijeme noći izlaze najveća bića. Kretao sam se brzinom kroz džunglu kad sam čuo nešto kako se kreće kroz grmlje pored mene. Okrenuo sam se i vidio sam biće koje je izgledalo kao crni lav sa ustima krokodila i velikim oštrim zubima. A desno od tog

bića, vidio sam biljku koja mi je trebala. To biće me je počelo ganjati, ali sam znao da moram uzeti biljku prije nego što odem. Pomoću starog drveta, uspio sam se odbraniti i uzeti biljku. Ponovo sam krenuo prema zoni i lijepo sam se udaljio i vidio svjetlo. Nisam imao vremena da to obiđem, ali sam obilježio koordinate i nastavio. Razmišljao sam puno o tim svjetlima i kako će mi to postati sljedeća avantura. Iz guste džungle vidio sam moj brod za povratak kući. Punim trkom sam krenuo u zonu, ušao sam u brod, odmorio se, pogledao moju omiljenu emisiju i polako krenuo na dug put kući.

Kerim Pašalić , VIII – 2

Doktori -heroji u bijelom

Želim biti doktor, heroj u bijelom koji spašava živote ljudima. Iako mi je još rano da razmišljam o tome čime bih želio da se bavim kada završim sve škole, priznajem, mnogo sam puta tu želju promijenio. Kroz svoje odrastanje često sam imao priliku da provodim vrijeme u hirurškoj poliklinici gdje rade moja tetka i tetak. Oni su doktori. Posmatrajući njihov rad, u meni se probudila želja da i ja kad odrastem, postanem doktor. Znam da doktori pomažu bolesnim ljudima da riješe svoje zdravstvene probleme. Oni su bitni i neophodni ljudi, jer svakom čovjeku na svijetu u nekoj fazi svoga života zatreba njihova pomoć. To je plemenito zanimanje, a doktori su hrabri ljudi koji imaju puno odgovornosti. Oni su priznati i izuzetno cijenjeni u društvu. Oni mogu vratiti osmijeh na lice bolesnog čovjeka, jer spasiti nečiji život je neopisiv osjećaj ispunjenosti i sreće. Smatram da me to zanimanje usređuje i da se osjećam dobro, a povjerenje i zahvalnost ljudi imponuje svakom čovjeku. Najveće bogatstvo u životu je zdravlje. Ono je neprocijenjivo i ne može se kupiti novcem. Želim da postanem doktor da pomazem ljudima da ozdrave i budu sretni. Svjestan svih prepreka hrabro koračam prema ostvarenju svoje želje.

Imad Smajlović IX-1




Da li ste znali ?

- Da se novčanice uglavnom ne prave od papira već od posebne mješavine pamuka i lanenog platna ?
- Da je med jedina hrana koja se ne kvari. Arheolozi su probali med koji su pronašli u grobnicama egipatskih faraona i ocijenili da je jestiv ?
- Da dlaka polarnog medvjeda nije bijela – već providna kako bi sunčevi zraci mogli da ugriju kožu ispod krzna ?
- Da puževi mogu spavati čitave 3 godine ?
- Da se pustinja Sahara širi za jedan kilometar mjesečno?
- Da slijepi miševi uvijek skreću nalijevo kada izlaze iz pećine?
- Da je Isak Njutn bio izbačen iz škole kao tinejdžer na zahtjev njegove majke koja se nadala da će biti farmer ?
- Da su svi polarni medvjedi ljevaci ?
- Da novorođeni kengur ima dužinu tijela od otprilike 2 centimetra ?
- Da je otprilike 10% površine zemlje trajno prekriveno ledom.

Zara Biogradlić V-2

MALO SMIJEHA

- Nastavnik matematike pita učenika:
 - Čuo sam, da si brz u računanju.Koliko je 32×26 ?
- Učenik:
 - 750!
- Nastavnik:
 - To nije ni blizu.
- Učenik:
 - Ali je bilo brzo!



- Učiteljica: "Kupujem, kupuješ, kupuje, kupujemo, kupujete, kupuju..."

Djeco, recite mi koje je to vrijeme!"

Učenici: "Vrijeme rasprodaje!"

- Izgubio se Damir u velikom gradu, ide ulicom i plače. Sretne ga policajac i reče mu:
 - Nemoj plakati, reci koja ti je adresa?-Damir:- damir@yahoo.com

NAŠI PRVAČICI

